

TUŽILAŠTVO Osam mjeseci analizirani navodi TIBiH

Tek počinju provjere krivične prijave protiv Vahida Heće

Slučaj krivične prijave vezane uz prošlogodišnju promotivnu kampanju „Nije kasno za bolji život“ još u predistražnoj fazi

Osam mjeseci otkako je „Transparency International BiH“ (TIBiH) podnio krivičnu prijavu protiv tadašnjeg federalnog ministra energije, industrije i rudarstva Vahida Heće zbog mahinacija u okviru promotivne kampanje „Nije kasno



Omićević: Dostava informacija

za bolji život“, koja je korištena za predizborno promociju Stranke za BiH, ovaj slučaj i dalje je u predistražnoj fazi.

Nadležni tužilac izvršio je analizu dostavljene prijave, kao i priloženog materijala, te će ove sedmice naložiti nadležnim organima da dostave određene informacije kako bi bili provjereni navodi iz prijave - izjavila je jučer za „Dnevni avaz“ portparol Kantonalnog tužilaštva Sarajevo Jasmina Omićević.

Ona je istakla da do sada još ništa nije naloženo, jer se radi „o relativno novijem predmetu“.

Tužilac je analizirao sve navode iz prijave koja je dostavljena u rad Tužilaštvu te će na osnovu te analize podnijeti zahtjev za prikupljanje odgovarajućih informacija kako bi se ustanovi-

lo postoje li u konkretnom slučaju uopće osnovi sumnje da je počinjeno određeno krivično djelo. S obzirom na to da se radi o predistražnoj fazi, nikakve detaljnije informacije ne možemo otkrivati - kazala nam je Omićević.

Kao što je poznato, TIBiH je prijavu protiv Heće podnio u septembru prošle godine zbog zloupotrebe položaja i sumnji u nezakonito finansiranje kampanje „Nije kasno za bolji život“. **M. K.**

Hećo: Bivši
ministar
čeka odluku
tužioca



Nastavak suđenja u slučaju „Eronet“

Svjedočio i Stipe Prlić

Svjedoci naveli da Čović ni na koji način nije utjecao na sklapanje ugovora o cesiji

Saslušanjem direktora firme „Croherc“ Marinka Planinića, vlasnika „Alpina komerca“ Veselka Vukoje i Miroslava Lučića, u ime „Hercegovina-osiguranja“, koji su svjedoci Tužilaštva HNK, jučer je u Kantonalnom sudu u Mostaru nastavljeno suđenje Draganu Čoviću i još šest osoba, koji se terete za zloupotrebu položaja ili ovlasti u slučaju nelegalne privatizacije „Eroneta“ 1999. godine.

Planinić, Vukoja i Lučić u svojim iskazima su naveli da prvooptuženi Čović ni na koji način nije utjecao na sklapanje ugovora o cesiji, kao i prodaju dijela poslovnog udjela HPT-a u „Eronetu“ ovim firmama u iznosu od 51 posto.

U nastavku suđenja, tužilac Zdenko Kovač kao svjedoka je pozvao Stipu Prlića, bivšeg direktora HT-a Mostar, koji je u svojoj izjavi podsjetio da je odlukom Kantonalnog suda iz 2004. godine u korist HT-a dobiven spor protiv ove tri firme



Mostar: Čović pred sudom

koje su, izuzev „Hercegovina-osiguranja“ koje je u stečaju, isplatile i dividendu. No, kako je rekao, šteta nije iskazivana u poslovnim knjigama.

Na upit Čovićevog advokata Davora Martinovića, Prlić je potvrdio da su „Croherc“, „Alpina komerc“ i „Hercegovina-osiguranje“ bili kupci u poslovanju HPT-a, kasnije HT-a. Prlić je rekao i da je bio protiv odluke da dug HPT-a prema ove tri firme bude vraćen prijenosom vlasničkog udjela HPT-a u „Eronetu“. **M. Sm.**

U zagrebačkom Islamskom centru Promovirana monografija o 17. krajiškoj brigadi



Promocija izazvala veliku pažnju

U organizaciji Udruge Bošnjaka branitelja Domovinskog rata Hrvatske i Islamskog centra Zagreb, u zagrebačkom Islamskom centru održana je promocija monografije „17. viteška krajiška brdska brigada Armije RBiH“, autora Fikreta Čuskića i Amira Klike.

Knjigu o herojskoj krajiškoj brigadi, koja je svoj ratni put počela na tlu Hrvatske okupljanjem bošnjačkih

patriota, promovirali su, uz autore, muftija Šefko ef. Omerbašić, Hamdija Malić, predsjednik UBBDRH-a, dr. sc. Davor Marijan sa zagrebačkog Instituta za povijest te generali Petar Stipetić i Ante Prkačin. Moderator sjajno realizirane promocije bio je pjesnik Enes Kišević.

Osim generala Stipetića i Prkačina, promociji su prisustvovali i generali Božo Budimir i Ivan Štimac. **M. D.**

Očajne porodice žrtava iz „Vranice“ Ubice još nisu kažnjene

Porodice pripadnika Armije RBiH koji su posljednji put živi viđeni u mostarskoj zgradi zvanoj „Vranica“, nezadovoljne su činjenicom da nakon 18 godina još niko nije odgovarao za ubistva njihovih bližnjih, javio je BIRN.

Iako je u maju navršeno 18 godina od kada je 13 pripadnika ARBiH zarobljeno u Komandi Četvrtog korpusa ARBiH u Mostaru, zgradi poznatijoj kao „Vranica“, bh. pravosuđe još nije donijelo nijednu presudu za ubistva ovih osoba.

Nakon dugogodišnjeg skrivanja u Hrvatskoj

U Zagrebu uhapšen Ivan Bender

Počelo izdržavanje kazne od četiri i po godine zbog pronevjere i zloupotrebe službenog položaja u vezi s otimačinom mostarskog hotela „Ero“

Jedan od osnivača takozvane HR „Herceg-Bosne“, bivši dopredsjednik HDZ-a BiH i direktor Federalnog zavoda PIO/MIO Ivan Bender uhapšen je protekle srijede u Zagrebu, potvrdio je

za „Dnevni avaz“ portparol Županijskog suda Zagreb Krešimir Devčić.

Hapšenje se dogodilo nakon što se Bender nije javio sudiji za izvršenje Županijskog suda Zagreb, koji mu je

Osuđen još 2003. godine

Ivan Bender 2003. je osuđen na četiri i po godine zatvora zbog pronevjere i zloupotrebe položaja u slučaju prodaje mostarskog hotela „Ero“. Dva dana nakon potvrđivanja prvostepenog

ne kazne pobjegao je u Hrvatsku i tako izbjegao robiju.

Vrhovni sud Hrvatske u februaru ove godine potvrdio je zatvorsku kaznu koja mu je izrečena u BiH i odbacio njegovu žalbu.

trebao uručiti rješenje o upućivanju u jedan od hrvatskih zatvora na odsluženje kazne od četiri i po godine zbog pronevjere i zloupotrebe službenog položaja u vezi s otimačinom mostarskog hotela „Ero“ putem „Tuh-Investa“.

On nije primao sudske pozive za izvršenje kazne zatvora, nakon čega je sudac zatražio od policije da izvrši terensku provjeru. Utvrđeno je da on živi u jednom stanu u Zagrebu, ali da tamo rijetko zalazi. Na osnovu toga sudac je zaključio da se krije. Raspisana je tjeratica, na osnovu koje je i uhapšen -

kazao nam je Devčić.

On dodaje da je od protekle srijede Bender započeo i faktičko izdržavanje zatvorske kazne. No, Devčić podsjeća da se nekadašnji načelnik Neuma može žaliti na rješenje o upućivanju u zatvor, ali i moliti Sud da se eventualno odgodi izvršenje kazne zatvora zbog zdravstvenih, porodičnih ili nekih drugih razloga.

Kako je to „Avaz“ nedavno objavio, Bender je sa suprugom i sinom godinama živio u svom stanu u zagrebačkoj ulici Grada Vukovara 237, ali se nije javljao na naše pozive. **F. K.**



Bender: Pokušao izbjći zatvorsku kaznu